



*Gradski vijećnik Dr. Igor Gavrić, predsjedavajući Gradskog vijeća*

Broj: 01-GV-02-1263-1/18

Datum: 05.12.2018. godine

GRAD SARAJEVO  
GRADSKO VIJEĆE

Na osnovi člana 124. Poslovnika Gradskog vijeća Grada Sarajeva („Službene novine Kantona Sarajevo“, br.: 28/09), dostavljam Gradskom vijeću Grada Sarajeva na razmatranje

**AMANDMAN**  
na Prijedlog Budžeta Grada Sarajeva za 2019. godinu

**I.**

U članu 2. Prijedloga Budžeta Grada Sarajeva za 2019. godinu, na razdjelu: „Izdaci“, na ekonomskom kontu **614100 Tekući grantovi drugim nivoima**, u stavci „Sufinansiranje programskih i projektnih aktivnosti ANU BiH“, s predloženim iznosom od 10.000,00KM, u koloni „Budžet 2019.“ iznos se mijenja tako da glasi „**25.000,00KM**“.

**II.**

U članu 2. Prijedloga Budžeta Grada Sarajeva za 2019. godinu, na razdjelu: „Izdaci“, na ekonomskom kontu **614100 Tekući grantovi drugim nivoima**, dodaje se nova stavka „**20. 3. Policijska uprava - Novo Sarajevo - Oprema za vršenje uviđaja kod saobraćajnih nezgoda**“, a u koloni „Budžet 2019“, uz ovu stavku dodaje se iznos „10.000,00KM“.

**III.**

U članu 2. Prijedloga Budžeta Grada Sarajeva za 2019. godinu, na razdjelu: „Izdaci“, na ekonomskom kontu **614300 Grantovi neprofitnim organizacijama**, dodaje se nova stavka „**11.a. Projekti Humanitarno-karitativne organizacije „Kruh sv. Ante Franjevačke provincije Bosne srebrene**“, a u koloni „Budžet 2019“, uz ovu stavku, dodaje se iznos „15.000,00KM“.

**IV.**

U članu 2. Prijedloga Budžeta Grada Sarajeva za 2019. godinu, na razdjelu: „Izdaci“, na ekonomskom kontu **614400 Tekući grantovi javnim ustanovama i poduzećima**, dodaje se nova stavka „**19.a. Sufinansiranje projekta obnove objekta JU Apoteke Sarajevo PJ „Stari Grad**“, a u koloni „Budžet 2019“, uz ovu stavku, dodaje se iznos „15.000,00KM“.

**V.**

U članu 2. Prijedloga Budžeta Grada Sarajeva za 2019. godinu, na razdjelu: „Izdaci“, ekonomskom kontu **614400 Tekući grantovi javnim ustanovama i poduzećima**, a u koloni „Budžet 2019“, predloženi iznos od 80.000,00KM uz stavku „**4. Projekat vodeni most**“ mijenja se tako da glasi „**55.000,00KM**“, čime se osiguravaju potrebna sredstva za prihvaćanje prijedloga iz tačke I, II. i III. ovog amandmana.

## VI.

U skladu s predloženim u točki I, II, III. i IV. ovog amandmana, usklađuju se svi iznosi koji su funkcija iznosa čija promjena se predlaže, a koji se planiraju u Prijedlogu Budžeta Grada Sarajeva za 2019. godinu.

### Obrazloženje:

Amandman se predlaže u roku i u proceduri u svemu u skladu s članom 124. Poslovnika Gradskog vijeća.

Podnesenim Amandmanom u točki I, predlaže se utvrđivanje plana sredstava Grada Sarajeva, u segmentu Tekući grantovi drugim nivoima za 2019. godinu, tako da se planiraju sredstva kojim će Grad Sarajevo u 2019. godini podržati rad Akademije nauka i umjetnosti Bosne i Hercegovine, a vezano za „Molbu za sufinansiranje programskih aktivnosti ANU BIH iz Budžeta Grada Sarajeva za 2019. godinu“, koja je u prilogu ovog obrazloženja.

Podnesenim Amandmanom u točki II, predlaže se utvrđivanje plana sredstava Grada Sarajeva, u segmentu Tekući grantovi drugim nivoima za sufinansiranje nabavke opreme za vršenje uviđaja kod prometnih nezgoda za 3. Policijsku upravu u Novom Sarajevu i to u visini od 10.000,00KM čime bi Grad Sarajevo pomogao u prevenciji prometnih nezgoda u konačnici.

Podnesenim Amandmanom u točki III, predlaže se utvrđivanje plana sredstava u visini od 15.000,00KM Grada Sarajeva u segmentu Grantovi neprofitnim organizacijama za sufinansiranje projekata HKO „Kruh sv. Ante“, a to su pučke kuhinje, kućna njega, pomoć povratnicima, skrb za djecu, rad s mladima, terapijska zajednica ovisnika, volontiranje za pomoć starijima i drugi vidovi humanitarno-karitativnih djelovanja koja mogu pridonijeti poboljšanju kvaliteta života pojedinaca i zajednice. Usluge su dostupne svim ljudima u stanju potrebe bez obzira na vjeru, nacionalnost, kulturu, spol i jezik.

Podnesenim Amandmanom u točki IV, predlaže se utvrđivanje plana sredstava u visini od 15.000,00KM Grada Sarajeva u segmentu Tekući grantovi javnim ustanovama i poduzećima za Sufinansiranje projekta obnove objekta Apoteke Stari Grad.

Podnesenim Amandmanom u točki V. predlaže se umanjene sredstava planiranih za realizaciju Projekta „Vodeni most“ za iznos potreban za uvrštavanje prijedloga iz amandmana I, II, III. i IV.

Podnesenim Amandmanom u točki VI. se predlaže usklađivanje zbirnih iznosa koji su funkcije iznosa koji se mijenjaju u prijedlozima iz podnesenog amandmana.

U Sarajevu, 06.12.2018. godine

*PREDSJEDAVAJUĆI GRADSKOG VIJEĆA*

*Dr. Igor Gavrić, s.r.*

PRIMLJENO: 11. 12. 2018			
Org. jed.	Sredj	Prilog	predmet
01-0V-22-1372/K			08

*Gradski vijećnik Adnan Gušo*

GRAD SARAJEVO  
GRADSKO VIJEĆE

*N/p Dr. Igor Gavrić, Predsjedavajući Gradskog vijeća*

Na osnovi člana 124. Poslovnika Gradskog vijeća Grada Sarajeva („Službene novine Kantona Sarajevo“, br.: 28/09), dostavljam Gradskom vijeću Grada Sarajeva na razmatranje

**AMANDMAN**  
na Prijedlog Budžeta Grada Sarajeva za 2019. godinu

**I.**

U članu 2. Prijedloga Budžeta Grada Sarajeva za 2019. godinu na razdjelu: „Izdaci“, na ekonomskom kontu **614300 Grantovi neprofitnim organizacijama**, dodaje se nova stavka 7.a. Sportske igre mladih BiH - Udruženje za sport i rekreaciju „Sufinansiranje **Sportskih igara mladih BiH u 2019. godini**“, u koloni Budžet 2019. uz ovu stavku dodaje se iznos „10.000,00KM“.

**II.**

U članu 2. Prijedloga Budžeta Grada Sarajeva za 2019. godinu na razdjelu: „Izdaci“, na ekonomskom kontu **614100 Grantovi drugim nivoima** u stavci „3. Primjena Odluke o finansiranju sportskih manifestacija od interesa za grad“, s predloženim iznosom od 150.000,00KM, u koloni „Budžet 2019“, iznos se mijenja tako da glasi „**140.000,00KM**“.

**III.**

U skladu s predloženim u tački I, II. i III. ovog Amandmana usklađuju se svi iznosi koji su funkcija iznosa čija promjena se predlaže, a koji se planiraju u Prijedlogu Budžeta Grada Sarajeva za 2019. godinu.

**Obrazloženje:**

Amandman se predlaže u roku i u proceduri u svemu u skladu s članom 124. Poslovnika Gradskog vijeća.

Podnesenim Amandmanom u tački I. predlaže se utvrđivanje plana sredstva Grada Sarajeva, u segmentu 614300 Grantovi neprofitnim organizacijama, tako da se planiraju sredstva kojim će Grad Sarajevo u 2019. godini podržati Sportske igre mladih BiH koje se održavaju svake godine posljednjih 10 godina i u kojima sudjeluje veliki broj djece iz cijele Bosne i Hercegovine.

Podnesenim Amandmanom u tački II. predlaže se da se sredstva za podršku ovoj manifestaciji osiguraju iz sredstava već planiranih na zbirnoj stavci za manifestacije od značaja za Grad Sarajevo.

Podnesenim Amandmanom u tački III. se predlaže usklađivanje zbirnih iznosa koji su funkcije iznosa koji se mijenjaju u prijedlozima iz podnesenog amandmana.

U Sarajevu, 11.12.2018. godine

*Adnan Gušo, s.r.*

GRADSKI VIJEĆNICI  
PROF. DR. VELIJA KATICA  
SRĐAN SIMONVIĆ

PRIMLJENO: 12. 12. 2018			
Org. jedn.	Broj	Prilog	Opisnost
01-OV	25-1378	*	SP

GRAD SARAJEVO  
GRADSKO VIJEĆE  
N/P Predsjedavajući Gradskog vijeća

**Predmet: Amandmani na Prijedlog Budžeta Grada Sarajeva za 2019. godinu**

U skladu s članom 124. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), podnosimo

**Amandman  
na Prijedlog Budžeta Grada Sarajeva za 2019. godinu**

**I.**

U članu 2. Prijedloga Budžeta Grada Sarajeva za 2019. godinu na razdjelu: „Izdaci“, na ekonomskom kontu 614300 Grantovi neprofitnim organizacijama, dodaje se nova stavka „28.a. Ekološko društvo za uzgoj sitnih životinja u Sarajevu „Edzup“ - sufinansiranje organizacije izložbi u BiH i inostranstvu i nabavka lijekova za zaštitu zdravlja sitnih životinja na području Grada Sarajeva“, a u koloni „Budžet 2019“, uz ovu stavku dodaje se iznos „5.000,00KM“.

**II.**

U članu 2. Prijedloga Budžeta Grada Sarajeva za 2019. godinu na razdjelu: „Izdaci“, na ekonomskom kontu 614300 Grantovi neprofitnim organizacijama, dodaje se nova stavka „37.a. Udruženju „Haber“ sufinansiranje snimanja filma „Uloga medicinskih sestara u zdravstvenoj zaštiti pripadnika Oružanih snaga u periodu 1992.-1995. godine“, a u koloni „Budžet 2019“, uz ovu stavku dodaje se iznos „10.000,00KM“.

**III.**

U članu 2. Prijedloga Budžeta Grada Sarajeva za 2019. godinu na razdjelu: „Izdaci“, na ekonomskom kontu 614300 Grantovi neprofitnim organizacijama, dodaje se nova stavka „37.b. Udruženja „Muzeju zločina protiv čovječnosti i genocida 1992.-1995. godine“- sufinansiranje projekata za 2019.godinu, a u koloni „Budžet 2019“, uz ovu stavku dodaje se iznos „10.000KM“.

**IV.**

U članu 2. Prijedloga Budžeta Grada Sarajeva za 2019. godinu na razdjelu: „Izdaci“, na ekonomskom kontu 614300 Grantovi neprofitnim organizacijama, dodaje se nova stavka „57. Udruženju za očuvanje lika i dijela Zaima Imamovića i saboraca -

**Ilovača“ - sufinansiranje izrade infrastrukture oko spomen obilježja“, a u koloni „Budžet 2019“, uz ovu stavku dodaje se iznos „5.000,00KM“.**

#### V.

U članu 2. Prijedloga Budžeta Grada Sarajeva za 2019. godinu na razdjelu: „Izdaci“, na ekonomskom kontu **614400 Tekući grantovi javnim ustanovama i preduzećima**, dodaje se nova stavka „**37. JU Djeca Sarajeva P.O. Vrtić “Razigrani dani”** sufinansiranje rekonstrukcije objekta, a u koloni „Budžet 2019“, uz ovu stavku dodaje se iznos „**30.000,00KM**“.

#### VI.

U članu 2. Prijedloga Budžeta Grada Sarajeva za 2019. godinu na razdjelu: „Izdaci“, na ekonomskom kontu **613900 Ugovorene usluge**, a u koloni „Budžet 2019“, predloženi iznos od 2.406.740,00 mijenja se tako da glasi „**2.346.740,00KM**“.

#### VII.

U skladu s predloženim u tački I, II, III, IV, V, i VI. ovog amandmana, usklađuju se svi iznosi koji su funkcija iznosa čija promjena se predlaže, a koji se planiraju u Prijedlogu Budžeta Grada Sarajeva za 2019. godinu.

#### Obrazloženje:

Amandmani se predlažu u roku, po proceduri i u formi u svemu u skladu s članom 124. Poslovnika Gradskog vijeća.

Podnesenim Amandmanom u tački I, predlaže se utvrđivanje plana sredstava Grada Sarajeva, u segmentu Grantovi neprofitnim organizacijama za 2019. godinu, tako da se planiraju sredstva kojim će Grad Sarajevo u 2019. godini podržati rad Ekološkog društva za uzgoj sitnih životinja u Sarajevu „Edzup“, sufinansiranjem organizacije izložbi u BiH i inostranstvu i nabavci lijekova za zaštitu zdravlja sitnih životinja na području Grada Sarajeva u iznosu od **5.000,00KM**. „Edzup“ je neprofitabilno udruženje građana koje baštini čuvanje tradicije uzgoja autohtonih vrsta sitnih životinja u Gradu Sarajevu, sa posebnim osvrtom na prvu priznatu autohtonu vrstu životinja u BiH-Sarajevski golub prevrtač.

Podnesenim Amandmanom u tački II, predlaže se utvrđivanje plana sredstava u visini od 10.000,00KM, u segmentu Grantovi neprofitnim organizacijama, za sufinansiranje snimanje filma „Uloga medicinskih sestara u zdravstvenoj zaštiti pripadnika Oružanih snaga u periodu 1992.-1995. godine. Udruženje „Haber“ snima filmove, kao historijske zapise iz perioda 1992.-1995. godina, čime daju puni doprinos da se otrgnu od zaborava sve strahote kroz koje su prošli stanovnici Grada Sarajeva u najtežim trenutcima.

Podnesenim Amandmanom u tački III, predlaže se utvrđivanje plana sredstva Grada Sarajeva, u segmentu Grantovi neprofitnim organizacijama za sufinansiranje projekata planiranih za 2019. Udruženje „Muzej zločina protiv čovječnosti i genocida 1992.-1995. godine“ sa iznosom u visini od 10.000,00KM. Udruženje skuplja dokaze o najvećoj

opsadi kojom je bio izložen grad Sarajevo u periodu 1992.-1995. godine, čime daje puni doprinos memoriji strahota kroz koje su prošli stanovnici grada Sarajeva u najtežim trenucima.

Podnesenim Amandmanom u tački IV, predlaže se utvrđivanje plana sredstva Grada Sarajeva, u segmentu Grantovi neprofitnim organizacijama za sufinansiranje izrade infrastrukture oko spomen obilježja, sa iznosom u visini od 5.000,00KM, „Udruženju za očuvanje lika i dijela Zaima Imamovića i saboraca - Ilovača“, koje vrši uređenje putne komunikacije i uređenje oko spomen obilježja jednog od najvećih heroja u odbrambeno-oslobodilačkom ratu u BiH, generalu Zaimu Imamoviću.

Podnesenim Amandmanom u tački V, predlaže se utvrđivanje plana sredstva Grada Sarajeva, u segmentu Tekući grantovi javnim ustanovama i preduzećima, za sufinansiranje obnove objekta Javne ustanove Dječje obdanište „Razigrani dani“ sa iznosom u visini od 30.000,00KM. Realizacijom ovog projekta bi se trajno riješio dugogodišnji problem smještaja djece za dvije mjesne zajednice u općini Centar i to MZ Koševo II i Breka.

Podnesenim Amandmanom u tački VI, predlaže se umanjenje plana sredstava Grada Sarajeva na stavci Ugovorene usluge za iznos od 60.000,00KM kako bi se tako dobivena sredstva planirala za realizaciju prijedloga iz tačke I, II, III, IV i V. ovog Amandmana.

Podnesenim Amandmanom u tački VII, predlaže se usklađivanje zbirnih iznosa koji su funkcije iznosa koji se mijenjaju u prijedlozima iz podnesenog Amandmana.

U Sarajevu, 12.12.2018. godine

*GRADSKI VIJEĆNICI*

*Prof. dr. Velija Katica, s.r.*

*Srđan Simonović, s.r.*

PRIMLJENO: 13.12.2018.			
Org. jod.	Broj	Prilog	Vrijednost
01-GV-23-13	80/18		Handwritten

GRADSKO VIJEĆE GRADA SARAJEVA

SAMOSTALNI KLUB „ASA“

13.12.2018.GODINE

N/R PREDSJEDA VAJUĆEG G-DINA IGORA GAVRIĆA

AMANDMAN NA PRIJEDLOG BUDŽETA ZA 2019.GODINU

Na osnovu člana 124.Poslovnika Gradskog vijeća Grada Sarajeva podnosim amandman za uvrštavanje Udruženja oboljelih od Morbus Crohan i ulceroznog colitisa u BiH za redovno finansiranje kroz budžet Grada Sarajeva na poziciju Grantovi neprofitnim organizacijama – konto 614300. Predlažem da se za Udruženje oboljelih od Morbus Crohan i ulceroznog colitisa u BiH izdvoji 5000,00 KM na način da se unutar iste pozicije tačka 35. Grantovi za nepredviđene izdatke umanju za navedeni iznos.

OBRAZLOŽENJE:

Udruženje oboljelih od Morbus Crohan i ulceroznog colitisa u BiH okuplja oboljele od Crohnove bolesti i ulceroznog colitisa svih uzrasta na cijeloj teritoriji Bosne i Hercegovine. Osnovni ciljevi rada udruženja jesu pomoć i podrška oboljeloj djeci i odraslima kao i njihovim porodicama od prvog dana liječenja. Bolest zahtjeva specifičan način života, dugotrajno i skupo liječenje, česte operativne zahvate, bolesti su hroničnog karaktera, pa tako traju cijeli život sa svojim remisijama i pogoršanjima. Zbog težine bolesti smatram da bi se trebalo pomoći ovoj kategoriji oboljelih kroz redovno budžetsko finansiranje.

Podnosilac amandmana:

*Srna Sead*  
Sead Srna

**GRAD SARAJEVO**  
**GRADSKO VIJEĆE**

N/r gospodin Igor dr Gavrić, predsjedavajući Gradskog vijeća

Bosna i Hercegovina-Federacija Bosne i Hercegov.  
Kanton Sarajevo - GRAD SARAJEVO  
GRADSKO VIJEĆE

PRIMLJENO:			
Org. jed.	Broj	13-12-2018	
01-01	23-1381/18	Prilog	Vrijednost
			JA

U skladu sa članom 124. Poslovnika Gradskog vijeća Grada Sarajeva ("Službene novine Kantona Sarajevo", broj 28/09), podnosim

**AMANDMAN**  
**na Prijedlog Budžeta Grada Sarajeva za 2019. godinu**

Predlažem da se za J.U. Opća bolnica "Prim. dr. Abdulah Nakaš" za kupovinu **aparata za mjerenje acidobaznog statusa** planiraju sredstva iz Budžeta Grada Sarajeva za 2019. godinu u visini od 25.000,00 KM.

Predložena sredstva bi se osigurala umanjnjem budžetske pozicije 821000 – Izdaci za nabavku stalnih sredstava – Motorna vozila 50.000,00 KM.

**Obrazloženje:**

Amandman se predlaže u roku i u proceduri u skladu s članom 124. Poslovnika Gradskog vijeća.

J.U. Opća bolnica "Prim. dr. Abdulah Nakaš" osnovana je za obavljanje javne zdravstvene djelatnosti u oblasti specijalističko-konsultativne i bolničke zaštite za Kanton Sarajevo. Unutar organizacionih jedinica bolnice obavljaju se sljedeće djelatnosti: hospitalizacija, medicinska njega i hirurške djelatnosti, dijagnostika, liječenje, hitne intervencije, proizvodnja farmaceutskih preparata, te od 2019 u planu je otvaranje i Pedijatrijskog odjela.

Izuzetno bitan segment bolnice predstavlja i Odjeljenje za medicinsko-biohemijsku laboratorijsku dijagnostiku. Pomenuto Odjeljenje do posebnog izražaja dolazi od aprila 2016. godine uvođenjem "urgentnih dana" - ponedjeljak i petak kada Bolnica preuzima brigu zbrinjavanja urgentnih pacijenata Kantona Sarajevo. Aparati koje ima laboratorija su dotrajali i godinama se nisu znavljali. Takav jedan aparat je i aparat za mjerenje acidobaznog statusa pacijenata koji su vitalno ugroženi. Analiza acidobaznog statusa obuhvata laboratorijsko određivanje parametara acidobazne ravnoteže i oksigenacijskog statusa bolesnika.

Ova pretraga je neizostavna u kliničkoj procjeni stanja bolesnika u jedinicama urgentnog prijema i intenzivne njege, te od presudnog značaja u dijagnostici metaboličkih i respiratornih poremećaja pacijenata.

Imajući navedeno u vidu, smatram opravdanim da Grad Sarajevo finansira nabavku jednog ovakvog aparata za J.U. Opća bolnica "Prim. dr. Abdulah Nakaš".

Sarajevo, 13.12.2018. godine

Gradski vijećnik  
  
Almedin Miladin





Politička organizacija građana "Naša stranka"  
Branilaca Sarajeva 5/1, 71 000 Sarajevo  
Telefon: 033 408 888; Fax: 033 408 881  
E-mail: nasastranka@nasastranka.ba  
Web: www.nasastranka.ba

Sarajevo, 13.12.2018.

NAŠA STRANKA  
SAMIR FAZLIĆ U IME  
KLUBA GRADSKIH VIJEĆNIKA NAŠE STRANKE

Bosna i Hercegovina-Federacija Bosne i Hercegov.  
Kanton Sarajevo - GRAD SARAJEVO  
GRADSKO VIJEĆE

PRIMLJENO: 14.12.2018			
Org. jed.	Broj	Prilog	Vrijednost
01-OV	23	1383/18	SP

BOSNA I HERCEGOVINA  
FEDERACIJA BOSNA I HERCEGOVINA  
KANTON SARAJEVO  
GRAD SARAJEVO  
N/r Gradonačelnika grada Sarajeva  
N/r Predsjedavajući Gradskog vijeća Grada Sarajeva

PREDMET: AMANDMANI NA PRIJEDLOG BUDŽETA GRADA SARAJEVO ZA 2019.  
GODINU

Poštovani,

Na osnovu člana 116. i 124. Poslovnika Gradskog vijeća Grada Sarajeva, kao gradski vijećnik, a u ime Kluba gradskih vijećnika Naše stranke, predlažem slijedeće amandmane na Prijedlog Budžeta Grada Sarajeva za 2019. godinu:

Amandman I

U Prijedlogu Budžeta Grada Sarajeva za 2019. godinu otvara se nova budžetska stavka "Realizacija inicijative postavljanja spomenika Dariju Džamonji i Kemal Montenu i uređenje parka" u iznosu od 80.000 KM na kodu 615000, a nedostajuća razlika se osigurava tako da se za taj iznos umanjuje iznos koji se planira na razdjelu "Grad Sarajevo", Ugovorene usluge - ekonomski kod 613900 - tako da se predloženi iznos umanjuje za 80.000.00 KM

Obrazloženje:

Budžetom za 2018.godinu. izdvojena su početna sredstva za realizaciju inicijative postavljanja spomenika Dariju Džamonji i Kemal Montenu u parku kod FIS-a te rekonstrukciji spomenutog parka. Obzirom da sredstva koja su obezbjeđena budžetom za 2018. nisu korištena jer nije pokrenut projekat, u budžetu za 2019 godinu tih sredstava nema, te stoga tražimo da se u budžet za 2019.godinu planiraju sredstva u iznosu od 80.000,00 KM.

#### Amandman II

U prijedlogu Budžeta Grada Sarajeva za 2019. godinu. potrebno je otvoriti novu Buždetsku stavku " Izrada idejnog projekta za postavljanje spomenika na mostu Suade Dilberović i Olge Sučić za Boška i Admiru" u iznosu od 10.000,00 KM 615000, a nedostajuća razlika se osigurava tako da se za taj iznos umanjuje iznos koji se planira u razdjelu "Grad Sarajevo" Drugi tekući rashodi ekonomski kod 614800 - tako da se predloženi iznos umanjuje za 10.000,00 KM.

#### Obrazloženje:

Admira Ismić i Boško Brkić ubijeni su snajperskim hicima 18. maja 1993. na Vrbanja mostu dok su pokušavali napustiti opkoljeno Sarajevo i pobjeći od strahota rata. Priča o simbolu iskrene ljubavi koje se "stavljaju ispred zastava" - kako pjeva grupa Zabranjeno pušenje, priča o sarajevskim Romeu i Juliji, prizor mrtvih tijela Admire i Boška, kako zagrljeni leže na sarajevskom mostu koji je grad dijelio na dva dijela obišla je svijet. I kao simbol Sarajeva smatramo da treba da imaju svoj spomenik. O njihovoj ljubavi i stradanju pisali su mnogi novinari, snimali dokumentarne filmove, snimali pjesme, čak i opera, tako da smatramo da Grad Sarajevo treba da ima spomenik na Vrbanja mostu.

#### Amandman III

U prijedlogu Budžeta Grada Sarajeva za 2019. godinu, potrebno je planirati novu Budžetsku stavku "Sufinansiranje rekonstrukcije slapova/kaskada u koritu rijeke Miljacke" u iznosu od 150.000,00 KM na kodu 615000, a nedostajuća razlika se osigurava smanjujući iznos na razdjelu "Grad Sarajevo", Ugovorene usluge - ekonomski kod 613900 - tako da se predloženi iznos umanjuje za 150.000.00 KM

#### Obrazloženje:

S obzirom da je korito rijeke u nadležnosti Grada Sarajeva, a da smo svjedoci tragičnih slučajeva koji se u posljednjim godinama dešavaju u nabujaloj Miljacki, a uzrokovani nepravilno konstruisanim slapovima sredinom 60tih godina prošlog vijeka, koji su u međuvremenu dodatno oštećeni, predlažemo da se uvrsti ova budžetska stavka kao dio ukupnih sredstava kojim bi se zajedno sa Kantomom i gradskim općinama finansirala rekonstrukcija i rješavanje navedenog problema.

#### Amandman IV

U Prijedlogu Budžeta Grada Sarajeva za 2019. godinu u dijelu „Tekući grantovi javnim preduzećima i ustanovama“ - konto 614300, pod rednim brojem 47. "Projekat "Roditeljska kuća" Sarajevo, sredstva za funkcionisanje i nastavak rada objekta - udruženje srca za djecu koja boluju od raka u FBiH", planirani iznos se mijenja tako da glasi 20.000.00 KM, a nedostajuća razlika se osigurava tako da se umanju stavka na razdjelu "Grad Sarajevo", Drugi tekući rashodi ekonomski kod 614800 - tako da se planirani iznos umanju za 10.000.00 KM.

#### Amandman V

U prijedlogu Budžeta za 2019. Godinu ubaciti u Budžet za 2019.godinu na kontu 614400 pod stavkom 16. Ljetovanje školske djece JU Dječji dom Bjelave u iznosu od 10.000 KM. Sredstav obezbjediti sa konta 614400 stavka 4 vodeni most i umanjiti za 10.000 KM.

#### Objašnjenje:

Dječji dom Bjelave je dom kroz koji su prošle generacije djece uskraćene za roditeljstvo. Naša je obaveza je da im omogućimo, između ostalog, i mogućnost ljetovanja, kako bi i tim činom osjetili pažnju i brigu za njih.

#### Amandman VI

U Prijedlogu Budžeta grada Sarajeva za 2019. Godinu nalazi se u kontu 614400 stavka Projekat utopljanja fasada na području grada Sarajeva u iznosu od 262.000 KM. Prijedlog je da se stavka poveća na 500.000 KM na kodu 614400, sa konta 614400 stavka 4. Umanjiti 50.000 KM,sa konta 61500 stavka 7 umanjiti za 188.000 KM.

#### Objašnjenje:

Veliki broj zgrada na području sve četiri gradske općine naprosto vapi za utopljanjem fasada. Nakon rata, zanemarljiv je broj koji je utopljen, a da ne govorimo o fasadama koje su naprosto prepuštene zubu vremena. Stoga,ulice,zgrade i trgovci su jezgro jednog grada i za njih je svaki iznos koji je izdvojen ,dragocjen, jer time spašavamo strukturu gradske zone i neželjene posljedice od prirodnih i drugih oštećenja.

#### Amandman VII

U prijedlogu budzeta za 2019. Godinu treba ubaciti novu stavku sufinansiranje izgradnje Austrijske kuće, budućeg Centra za zdravo odrastanje i Centra nacionalnih manjina u iznosu od 100.000 KM na kodu 614100. Nedostajuća sredstva prebaciti sa konta 615000 stavka 13 u iznosu od 100.000 KM.

#### Objašnjenje:

Objekat Austrijska kuća podsjeća građane Sarajeva iz centralne zone na sjajne Olimpijske igre 1984.godine. Taj objekat je prirastao srcu mnogim Sarajlijama, i svi redom priželjkuju njenu obnovu. Općina Centar i Kanton Sarajevo su obezbjedili dio sredstava, a grad Sarajevo koji sa mnogo pažnje prilazi očuvanju objekata iz vremena zimskih olimpijskih igara, nema razloga da ne podrži i ovaj dio sredstava za sufinansiranje obnove.

#### Amandman VIII

Na kontu 615000 treba dodati novu stavku OBNOVU CAREVE ČUPRIJE u iznosu od 50.000 KM. Sredstva obezbjediti sa konta 613900 grad Sarajevo-ugovorene usluge i smanjiti za 50.000 KM.

#### Obrazloženje:

Nekoliko stručnih ljudi je ukazalo da je most Careva ćuprija građen sa AB konstrukcijom, među prvima u Evropi. AB konstrukcija je nosiva ako je armatura dobro zaštićena betonom. Međutim, golim okom, snimcima i stručnim uvidom vidi se da armatura propada i zahrđava u većem dijelu., te nosivost nestaje a konstrukcija popušta.

#### Amandman IX

Na kontu 614100 stavka 4 sufinansiranje projekta proširenja video nadzora na području općine Stari grad, predlažemo povećanje za 75.000 KM, ukupno 100.000 KM, za proširenje video nadzora za sve četiri gradske općine po 25.000 KM. Sredstva obezbjediti sa koda 613900 grad Sarajevo ugovorene usluge u iznosu od 75.000 KM.

#### Obrazloženje:

Svjedoci smo u zadnjih nekoliko mjeseci pogoršane bezbjednosne situacije u gradu Sarajevu. Ubitstva, pljačke, tuče, veliki priliv migranata, mračne ulice, saobraćajne nesreće sve su to situacije koje iziskuju povećan napor u poboljšanju uslova za što bezbjedniji život građana. Video nadzor je jedan funkcionalni metod koji može puno pomoći u sprečavanju pogoršanja narušene bezbjedonosne situacije.


#### Amandman X

Na kontu 614400 otvoriti novu stavku Smart city-led rasvjeta projekat Maršala Tita i Ferhadija (od Katedrale do raskršća na Marindvoru) u iznosu od 150.000 KM. Sredstva obezbjediti sa konta 615000 Hotel Vidikovac u iznosu od 150.000 KM.

#### Obrazloženje:

Grad Sarajevo je prepoznatljiv po užoj gradskoj jezgri koja se proteže na potezu koji je naveden. Svjedoci smo da su mjerenja pokazala da je rasvjeta na tom potezu iznimno slaba, i ne zadovoljava ni osnovne standarde o energetskej efikasnosti. Vrijeme je da grad Sarajevo pokaže da može aktivno raditi na projektima koji omogućavaju uštedu energije, racionalnu potrošnju i prije svega lijepi ambijentalni izgled jedne od najljepših šetnica u gradu.

S poštovanjem,

  
Samir Fazlić, predsjednik

Klub gradskih vijećnika Naše stranke



Broj: 01/05-14-6515/18  
Sarajevo, 14.12.2018.god.

**GRADSKO VIJEĆE GRADA SARAJEVA**  
n/r predsjedavajućeg, g. Gavrić Igora

Bosna i Hercegovina - Federacija Bosne i Hercegovina  
Kanton Sarajevo - GRAD SARAJEVO

PRIMLJEN	14-12-2018	
Org. jed.	Broj	Vrijednost
01-05-23	1384/18	JA

Predmet: Amandman na Prijedlog Budžeta Grada Sarajeva za 2019. godinu

Poštovani,

U skladu sa članom 132. stav 2., kao i u skladu sa članom 124. stav 3. Poslovnika Gradskog vijeća Grada Sarajeva („Službene novine Kantona Sarajevo“, broj: 28/09), kao ovlašteni predlagač, na Prijedlog Budžeta Grada Sarajeva za 2019. godinu, ulažem sljedeći:

### Amandman

Na kodu 614300 dodajese nova stavka: „Podrška programskim aktivnostima nacionalnih kulturnih društava/zajednica – BZK „Preporod“, HKD „Napredak“, SPKD „Prosvjeta i JKPiHD „La Benevolencija“, u iznosu od 20.000,00 KM, a navedena sredstva se obezbjeđuju sa koda 614400 – stavka 12. – Projekt rekonstrukcije, restauracije i kolorističke obrade fasada u Gradu Sarajevu, tako da se iznos sredstava od 270.000,00 KM umanjuje za 20.000,00 KM.

*Obrazloženje:* Navedena nacionalno-kulturna i prosvjetna društva/zajednice daju svoj neprocjenjivi doprinos cjelokupnom društvu, njegujući i promičući kulturno – historijsko naslijeđe, predstavljajući vlastitu kulturu u harmoniji s drugima, te tako potvrđuju autentični vjekovni bosanskohercegovački identitet i državnost, kao i specifični identitet glavnog grada Sarajeva.

S poštovanjem,

Dostaviti:

- Naslovu,
- a/a.



PRIMLJENO:			
Org. Jed.	Broj	Prilog	Vrijednost
01-00-23	1389/1		1438

14 38  
=

Toni Vukadin, gradski vijećnik  
Vedad Deljković, gradski vijećnik  
Adnan Gušo, gradski vijećnik

Grad Sarajevo  
Gradsko vijeće

Na osnovu člana 116. i člana 124. Poslovnika o radu Gradskog vijeća Grada Sarajeva, podnosim sljedeći:

#### AMANDMAN

na Prijedlog Budžeta Grada Sarajevo za 2019. godinu

U članu 2. Prijedloga Budžeta Grada Sarajeva za 2019. godinu, na razdjelu: Gradska uprava izdaci, u djelu „tekući grantovi neprofitnim organizacijama“ – konto 614300 dodaje se nova alineja „FK Sarajevo i FK Željezničar“ i za ovu namjenu planira se iznos od 80.000,00 KM.

U članu 2. Prijedloga Budžeta Grada Sarajeva za 2019. godinu, na razdjelu:– konto 614100 se umanjuje za 50.000,00 KM i konto 613.900 se umanjuje 30.000 ili druge stavke koju odredi predlagac.

#### Obrazloženje

Fudbalski klubovi Sarajevo i Željezničar su najprepoznatljiviji i najpoznatiji fudbalski klubovi Sarajeva i Bosne i Hercegovine. Kroz historiju su dali veliki broj legendi Sarajeva kao što su Asim Ferhatović, Ivica Osim, Safet Sušić, Mehmed Baždarević i mnogi drugi. Naši najpoznatiji klubovi sa kojima se gotovo svi stanovnici Sarajeva identifikuju su ujedno svake godine u borbi za prvaka Bosne i Hercegovine, te izuzetno uspješno predstavljaju Sarajevo i BiH u evropskim takmičenjima. Smatramo da Grad Sarajevo mora prepoznati ove klubove te na ovaj način podržati njihove uspjehe. Posebno treba uzeti u obzir da i drugi gradovi u BiH i u većim iznosima podržavaju svoje klubove.

Također molimo da se odobri po 20.000,00 KM za omladinske pogone po zaključku gradonačelnika.

U Sarajevu, 12. 12. 2018. godine

Toni Vukadin

Adnan Gušo

Vedad Deljković

Toni Vukadin, gradski vijećnik

Grad Sarajevo  
Gradsko vijeće

PRIJEDLOG: 19. 12. 2018			
Org. jed.	Broj	Priloga	Vrijednost
01-00-23-	1380/18		29

Na osnovu člana 116. i člana 124. Poslovnika o radu Gradskog vijeća Grada Sarajeva, podnosim sljedeći:

#### AMANDMAN

na Prijedlog Budžeta Grada Sarajevo za 2019. godinu

U članu 2. Prijedloga Budžeta Grada Sarajeva za 2019. godinu, dodaje se nova budžetska pozicija „finansiranje nevladinih i neprofitnih organizacija – po javnom pozivu“ u iznosu od 200.000,00 KM.

U članu 2. Prijedloga Budžeta Grada Sarajeva za 2019. godinu, pozicija „putni troškovi“ se smanjuje 50.000,00., pozicija 615.000 - ski staza na Trebeviću se umanjuje za 150.000,000. KM

#### Obrazloženje

U gradu Sarajevu trenutno je aktivno veći broj organizacija, humanitarnog, sportskog, ekološkog karaktera i slično koji provode izuzetno kvalitetne projekte. Na ovaj način bi transparentno putem javnog poziva dali mogućnost svim ovim organizacijama da implementiraju projekte koji mogu biti od koristi našim stanovnicima. Treba napomenuti i da je ovaj način finansiranja najviše transparentan i da se koristi u svim država EU, te da je ovo način finansiranja i od strane EU.

U Sarajevu, 12. 12. 2018. godine

Toni Vukadin




**DEMOKRATSKA FRONTA**

Saliha Udžvarlića 10

71000 Sarajevo

[sekretarijat@fronta.ba](mailto:sekretarijat@fronta.ba)

033/710-400

 Bosna i Hercegovina-Federacija Bosne i Hercegov.  
 Kanton Sarajevo - GRAD SARAJEVO  
 GRADSKO VIJEĆE

PRIMLJENO: 14-12-2018			
Org. jed.	Broj	Prilog	Vrijednost
01-GV-	23-1332/18		JP

LANA VELIĆ  
 Demokratska fronta

Grad Sarajevo  
 Gradsko vijeće Grada Sarajeva  
 Predsjedavajući, Igor Gavrić n/r

**PREDMET: AMANDMANI NA PRIJEDLOG BUDŽETA GRADA SARAJEVO ZA 2018.GODINU**

Poštovana/i,

Na osnovu člana 124. a u vezi sa članom 116. Poslovnika Gradskog vijeća Grada Sarajeva, dostavljam amandmane na Prijedlog budžeta Grada Sarajevo za 2019.godinu

**AMANDMAN I**

Uvodi se nova pozicija u odjeljku GRANTOVI NEPROFITNIM ORGANIZACIJAMA - konto 614300

pod nazivom **Škola fudbala „Respekt“ - sufinansiranje projekata** u iznosu od 5.000,00 KM.

Sredstva se obezbjeđuju umanjnjem izdvajanja sa pozicije **821000 KAPITALNA**

**ULAGANJA- Motorna vozila** u iznosu od 5.000,00 KM

**Obrazloženje:**

Škola fudbala „Respekt“ nastala je 2014. godine i prva je, i jedina škola fudbala u svijetu, koja je besplatna za svu djecu. Od osnivanja besplatne Škole fudbala „Respekt“, pruža se prilika da se djeca sa poteškoćama u razvoju, tipična djeca i djeca iz vulnerabilne romske populacije bez obzira na socijalni status uključe u sport i da imaju mogućnost ravnopravnog učešća u fudbalskim takmičenjima. Škola fudbala namijenjena je prije svega u zdravstveno-odgojne svrhe i glavni cilj je sprečavanje devijantnog ponašanja, pretilosti i sportska socijalizacija djece. Škola trenutno ima 153 polaznika (dječaka i djevojčica), starosne dobi od 4 do 16 godina. Osoblje angažovano na projektu su kvalifikovani stručnjaci iz različitih oblasti, uz stalne trenere uspostavljena je saradnja sa Fakultetom sporta (FASTO), a sve kao izraz potrebe za stvaranjem jedinstvenog saveza pojedinaca i grupa koje pred sobom imaju viziju o realizaciji punog potencijala svakog djeteta, bilo ono sa poteškoćama u razvoju ili ne. Osim značajnog poboljšanja



kvaliteta života djece i njihovih porodica i ostvarivanja njihovih osnovnih ljudskih prava, kao najvažnijeg krajnjeg cilja, kroz školu fudbala možemo uticati na promjene u ponašanju djeteta (učenje, govor, druženje, interesovanja, osamostaljivanje, poslušnost, nivo frustracije, itd.). Škola fudbala „Respekt“ dvostruki je dobitnik priznanja Sportskog saveza Bosne i Hercegovine, kao i Američke ambasade za izvrsnost. Ove godine, dobitnik je nagrade UNICEF-a "Šampion inkluzije", te one najveće, UEFA Children Award.

## **AMANDMAN II**

Uvodi se nova pozicija u TEKUĆI GRANTOVI DRUGIM NIVOIMA u odjeljku **Projekti u oblasti kulture** ( ekonomski kod - 614100) pod nazivom **Sufinansiranje programskih i projektnih aktivnosti KUD „Baščaršija“, KUD „Lola“, RKUD „Proleter“, AKCUS „Seljo“** u iznosu od 10.000,00 KM.

Sredstva se obezbjeđuju umanjnjem izdvajanja sa pozicije GRANTOVI NEPROFITNIM ORGANIZACIJAMA ( ekonomski kod - 614300) redni broj 35 - **Grantovi za nepredviđene izdatke** u iznosu od 10.000,00 KM.

Obrazloženje:

Amandman se podnosi na osnovu inicijative reprezentativnih kulturno-umjetničkih društava Grada Sarajeva, da se navedena društva uvrste u redovni budžet Grada Sarajeva u 2019 godini. Navedene potpisnice inicijative su dobitnice najveće nagrade Grada Sarajeva – 6.aprilska nagrada Grada Sarajeva. Svaka od potpisnica ima historiju dugu preko 70 godina i neraskidivo su vezane za Sarajevo tokom svog postojanja. KUD potpisnice su istinski spremne staviti sve kapacitete njihovih kolektiva u funkciju ceremonijalno-protokolarnih aktivnosti Grada Sarajeva, svojim koncertima i izvedbama umjetničkih programa staviti se na raspolaganju za potrebe planiranih aktivnosti i projekata Grada Sarajeva te i na taj način poboljšati komercijalnu i turističku promociju Grada Sarajeva i Bosne i Hercegovine.

Zajedničkim snagama može se ostvariti odlična saradnja između KUD i Grada Sarajeva na polju očuvanja kulturne baštine BiH, promocije i razvoja turizma i sličnim projektima.

Prilog uz amandman: Inicijativa i kratke biografije KUD „Baščaršija“, KUD „Lola“, RKUD „Proleter“, AKCUS „Seljo“ .

## **AMANDMAN III**

**Pozicioniranje i opredjeljenje sredstava za realizaciju projekta izrada idejnog rješenja izgradnje spomen ploče za ubijene građane Sarajeva na Kazanima**

u odjeljku KAPITALNI GRANT ( ekonomski kod - 615100) **5.000,00 KM** - Sredstva se obezbjeđuju umanjnjem izdvajanja sa pozicije 613900 **Ugovorene usluge** u iznosu od 5.000,00 KM.

Obrazloženje:

Na Osmoj sjednici Gradskog vijeća Grada Sarajeva, održanoj 25.10.2017. godine postavila sam vijećničko pitanje u kojoj fazi se nalazi realizacija odluke Gradskog vijeća iz prethodnog

mandata a u vezi sa izradom idejnog rješenja izgradnje spomen ploče za ubijene građane Sarajeva na Kazanima, i na kojoj poziciji se nalaze sredstva koja je Potpredsjednik Federacije BiH Svetozar Pudarić, u prethodnom mandatu odlukom br. 03-14—3.2A- 521-2/12 od 31.12.2012. godine uplatio Gradu Sarajevo u ukupnom iznos od 5.000,00 KM . Takođe, amandmanom na Prijedlog Budžeta Grada Sarajevo za 2018. godinu sam tražila pozicioniranje i isticanje ovih sredstava, kako bi se ista mogla koristiti za namjenu zbog kojih su i doznačena Gradu Sarajevo. Obzirom da nisam dobila odgovor na vijećničko pitanje, kao i da se nije tačno obrazložilo zašto se amandman na Prijedlog Budžeta Grada Sarajevo za 2018. godinu odbija te da je od uplate novčanih sredstava već prošlo dosta vremena i ova sredstva dosada nisu iskazana kao utrošena , amandmanski tražim da se pozicioniraju i opredjele u Prijedlogu budžeta Grada Sarajevo za 2019.godinu.

Sarajevo, 13.12.2018. godine

Gradska vijećnica  
Lana Velić